

REPUBLIKA E SHQIPËRISË

Nr. 2825 Prot, Datë 23.05.2019

Nr. 1106 Prot, Datë 23.05.2019

PROKURORIA PRANË GJYKATËS SË
SHKALLËS PARË TIRANË

SHËRBIMI PËR ÇËSHTJET E BRENDSHME
DHE ANKESAT

MEMORANDUM BASHKËPUNIMI

"PËR FORCIMIN E KAPACITETEVE TË HETIMIT"

Me synim për të rritur cilësinë e hetimit, ushtrimit të ndjekjes penale, për të parandaluar, zbuluar dhe dokumentuar veprat penale;

Me synim për të rritur dhe forcuar bashkëpunimin institucional ndërmjet institucioneve të ngarkuara me ligj për të realizuar këto detyra;

Referuar problematikave të evidentuara në këtë periudhë kohore si dhe numrin në ulje të hetimeve proaktive dhe të referimeve të procedimeve penale;

Të bindur se bashkëpunimi ndërmjet institucioneve është vendimtar në luftën kundër paligjshmërisë;

Bazuar në: Ligjin Nr. 97/2016 "Për organizimin dhe funksionimin e Prokurorisë në Republikën e Shqipërisë", Ligjin Nr. 70/2014 "Për Shërbimin për Çështjet e Brendshme dhe Ankesat në Ministrinë e Punëve të Brendshme".

"Palët" Prokuroria Pranë Gjykatë së Shkallë së Parë, Tiranë, Shërbimi për Çështjet e Brendshme dhe Ankesat (SHÇBA), nënshkruajnë këtë Memorandum Bashkëpunimi duke rënë dakort për sa më poshtë:

Neni 1

Qëllimi i Memorandumit

- Rritja e efikasitetit dhe bashkërendimi i punës ndërmjet institucioneve.
- Realizimi i komunikimit dhe shkëmbimit të të dhënave, nëpërmjet krijimit të një Task Force me pjesmarrës përfaqësues të të dyjave institucioneve me qëllim forcimin e veprimeve të përbashkëta hetimore për çështjet që lidhen me korrupsionin e zyrtarëve, lëndët narkotike, veprat penale në procesin zgjedhor, veprimet arbitrare dhe tejkalimin e kompetencave të policisë së shtetit gjatë ushtrimit të detyrës.
- Koordinimi i punëve dhe realizimi i analizave të përbashkëta për fillimin e hetimeve, kryekjen e veprimeve hetimore, ndjekjen e rasteve me hetime proaktive.

Neni 2

Institucionet zbatuese

Institucionet përgjegjëse për zbatimin e Memorandumit janë:

- Prokuroria Pranë Gjykatë së Shkallë së Parë, Tiranë.
- Shërbimi për Çështjet e Brendshme dhe Ankesat.

Neni 3

Fusha e bashkëpunimit

Fushat e bashkëpunimit për kryerjen e hetimeve të përbashkëta dhe shkëmbim informacioni apo të dhënave për veprimtari të kundërligjshme nga ana e subjekteve të SHÇBA-së, do jenë;

- a) Hetimet për implikime të subjekteve të SHÇBA-së, në rastet e kultivimit, trafikimit të lëndëve narkotike,
- b) Mbikqyrja dhe monitorimi i subjekteve policore në respektimin e ligjit në fuqi para, gjatë dhe pas fushatës zgjedhore, Qershor 2019.
- c) Mbikqyrja dhe monitorimi i subjekteve të SHÇBA-së, për zbatimin e ligjit në fuqi kryesisht të masave të ruajtjes së rendit dhe sigurisë publike, në aktivitete të ndryshme social kulturore.
- d) Hetimeve për aktet korruptive, shpërdorimit të detyrës, favorizime të subjekteve të Shërbimit për lejimin e ndërtimeve pa leje, kryerjen e lojrave të fatit, etj
- e) Hetimet në lidhje me aktet korruptive në realizimin e prokurimeve publike nga ana e subjekteve të e SHÇBA-së.
- f) Hetimet në lidhje me respektimin dhe garantimin e të drejtave dhe lirive personale të njeriut, gjatë ushtrimit të detyrës nga subjektet e SHÇBA-së.
- g) Si dhe çdo fushë tjetër, ku implikohen subjektet e e SHÇBA-së në përmbushjen e rregullt të detyrës nga ana tyre.
- h) Të mbështesin trajnimet dhe ngritjen e kapaciteteve profesionale, në fushën e hetimit.


Neni 4

Administrimi i dokumentacionit dhe informacionit

Çdo palë do ta trajtojë informacionin në zbatim të dispozitave të Kodit të Proçedurës Penale, Ligjit Nr 9887 datë 10.03.2008 “për mbrojtjen e të dhënave personale”, i ndryshuar, Ligjit Nr 8457 datë 11.02.1999 “Për informacionin e klasifikuar “Sekret Shtetëror”, i ndryshuar”, si dhe akteve ligjore e nënligjore në fuqi.

Çdo palë do të garantojë shkëmbimin e informacionit për çështje sensitive.

Çdo palë do të zbatojë aktete ligjore dhe nënligjore për mbrojtjen, sigurinë dhe fshehtësinë e të dhënave dhe përdorimin e kanaleve të sigurta të komunikimit për shkëmbimin e informacionit.



Neni 5

Detyrimet e palëve

Të dyja institucionet angazhohen se janë të gatshme të krijojnë grupin e punës Task Forcë, që të bashkëpunojnë për realizimin dhe zbatimin e këtij Memorandumi Bashkëpunimi, sipas parashikimeve të Ligjit Nr. 97/2016 “Për organizimin dhe funksionimin e Prokurorisë në Republikën e Shqipërisë”, Ligjit Nr. 70/2014 “Për shërbimin për Çështjet e Brendshme dhe Ankesat në Ministrinë e Punëve të Brendshme”, si dhe normave të Kodit të Proçedurës Penale.

SHÇBA angazhohet që të vërë në dispozicion të Prokurorisë Pranë Gjykatës së Shkallës së Parë Tiranë, informacion referues për rastet e konstatimit të veprime në kundërshtim me ligjin apo mosveprimeve të punonjësve të policisë për referimin e veprave penale që lidhen me korrupsionin, kultivimin e bimëve narkotike, veprave penale të kryera gjatë procesit zgjedhor, si dhe veprimet arbitrare të kryera nga punonjësit e policisë, sidomos në rastet e tubimeve apo protestave të lejuara sipas normave në fuqi.

PROKURORIA PRANË GJYKATËS SË SHKALLËS SË PARË TIRANË, nga ana e saj angazhohet për krijimin e grupeve hetimore me qëllim ndjekjen e çështjeve me përparësi, kryerjen e analizave të përbashkëta hetimore, krijimin e lehtësirave të duhura për ndjekjen e hetimit me metodikat e nevojshme.

SHÇBA angazhohet që të mbështesë në terren grupin hetimor, duke vënë në dispozicion oficerë të policisë të strukturave të saj, të cilët do të ndihmojnë në mbarëvajtjen e procesit hetimor.

Neni 6

Komunikimi

Palët bien dakord të krijojnë një Task Forcë, të përbërë nga 5 pesë anëtarë, dy prokurorë, dy përfaqësues të SHÇBA - së dhe një oficer i policisë gjyqësore pranë prokurorisë.



Palët brenda 20 ditëve nga data e nënshkrimit të memorandumit njoftojnë me shkresë zyrtare emrat e personave të kontaktit (E-mail, numër telefoni) sipas linjave funksionale në të cilat do të zhvillohet bashkëpunimi. Edhe njoftimi i ndryshimit të personave të bëhet në të njëjtën rrugë.

Në rastet e shmangies nga detyrimet e përcaktuara në këtë Memorandum, palët do të merren vesh për proçedura të pranueshme komunikimi në përputhje me legjislacionin në fuqi.

Neni 7

Kryerja e analizave të përbashkëta

Në interes të dokumentimit të plotë të veprimtarisë së kundërligjshme, Prokuroria Pranë Gjykatës së Shkallës së Parë Tiranë, shpreh gatishmërinë sa herë të paraqitet nevoja nga ana e SHÇBA-së, për zhvillimin e analizave të përbashkëta periodike ose për proçedime



penale konkrete, dhënie konsultash për vleresimin e veprimeve proceduriale penale gjatë të gjitha fazave të hetimeve paraprake.

Neni 8

Dispozitat e fundit

Deri në përfundimin e këtij Memorandumi, palët do t'u përmbahen parashikimeve ligjore, termave dhe kushteve që rrjedhin nga ky Memorandum, përsa i përket shkëmbimit të informacionit, bashkërendimit të punës, realizimin e analizave të përbashkëta, realizimin e takimeve të Task Forcës së krijuar në zbatim të këtij memorandumi.

Memorandumi Bashkëpunimit hyn në fuqi menjëherë pas nënshkrimit të tij nga përfaqësuesit e palëve.

Memorandumi përgatitet dhe nënshkruhet në 4 (katër) kopje origjinale, dy prej të cilave depozitohen në Prokurorinë e Rrethit Gjyqësor, Tiranë, dhe dy të tjera në Shërbimin për Çështjet e Brendshme dhe ankesat në Ministri të Brendshme.

Neni 9

Ndryshime

Memorandumi mund të ndryshohet me shkrim në çdo kohë me aprovimin e përbashkët të Palëve.

PROKURORIA PRANË GJYKATËS SË
SHKALLËS PARË TIRANË

DREJTUESI I PROKURORISË

Elizabeta IMERAJ

SHËRBIMI I ÇËSHTJEVE TË BRENDSHME
DHE ANKESAVE

DREJTORI I PËRGJITHSHËM

Muhamet BRUMBULLAKU